




Zakonodavno-pravna komisija
Broj:01-05- 25531/15
Sarajevo, 28.09.2015. godine

SKUPŠTINA KANTONA SARAJEVO
n/r predsjedavajućeg

Predmet: Prijedlog odluke o verifikaciji Zakona o istaknutim samostalnim umjetnicima-Prečišćeni tekst, dostavlja se

Na osnovu člana 3. Uredbe o postupku i načinu pripremanja i izrade i dostavljanja propisa („Službene novine Kantona Sarajevo“, broj 21/11-Noví prečišćeni tekst i broj 30/11-Ispravka i broj 23/15) i člana 56. Pravila i postupaka za izradu zakona i drugih propisa Federacije Bosne i Hercegovine („Službene novine Federacije Bosne i Hercegovine“ br. 71/14), dostavljamo vam Prijedlog odluke o verifikaciji Zakona o istaknutim samostalnim umjetnicima-Prečišćeni tekst. Predlažemo da Skupština u skladu sa Poslovnikom Skupštine Kantona Sarajevo donese navedenu Odluku.



PREDSJEDAVAJUĆI KOMISIJE

Kemal Ademović
Kemal Ademović, dipl. pravnik





Na osnovu člana 3. Uredbe o postupku i načinu pripremanja i izrade i dostavljanja propisa („Službene novine Kantona Sarajevo“, broj 21/11-Novi prečišćeni tekst i broj 30/11-Ispravka i broj 23/15) i člana 56. Pravila i postupaka za izradu zakona i drugih propisa Federacije Bosne i Hercegovine („Službene novine Federacije Bosne i Hercegovine“ br. 71/14), Skupština Kantona Sarajevo na sjednici održanoj dana 2015. godine, donijela je

Prijedlog

O D L U K U

O VERIFIKACIJI ZAKONA O ISTAKNUTIM SAMOSTALNIM UMJETNICIMA –Prečišćeni tekst

I

Skupština Kantona Sarajevo verifikuje Zakon o istaknutim samostalnim umjetnicima-Prečišćeni tekst.

II

Ova odluka objavit će se u “ Službenim novinama Kantona Sarajevo”.

Broj: 01-05- /15
.2015.godine
SARAJEVO

PREDSJEDAVAJUĆI
SKUPŠTINE KANTONA SARAJEVO

Sejo Bukva



Na osnovu člana 4. Zakona o dopunama Zakona o istaknutim samostalnim umjetnicima ("Službene novine Kantona Sarajevo", broj 21/15) i člana 181. Poslovnika Skupštine Kantona Sarajevo (Službene novine Kantona Sarajevo, broj 41/12 – Drugi novi prečišćeni tekst, 15/13 i 47/13), Zakonodavno pravna komisija Skupštine Kantona Sarajevo, na sjednici održanoj 28.09.2015. godine, utvrdila je prečišćeni tekst Zakona o istaknutim samostalnim umjetnicima.

Prečišćeni tekst Zakona o istaknutim samostalnim umjetnicima obuhvata: Zakon o istaknutim samostalnim umjetnicima ("Službene novine Kantona Sarajevo", broj 19/11) i Zakon o dopunama Zakona o istaknutim samostalnim umjetnicima ("Službene novine Kantona Sarajevo", broj 21/15), u kojim je naznačen dan stupanja na snagu tih zakona.

Broj: 01-05-25531-5/15
28.09.2015. godine
Sarajevo



Predsjednik

Zakonodavno-pravne komisije
Kemal Ademović, s.r.

O ISTAKNUTIM SAMOSTALNIM UMJETNICIMA

(Prečišćeni tekst)

I - OSNOVNE ODREDBE

Član 1.
(Sadržaj Zakona)

Ovim Zakonom uređuju se uslovi za sticanje statusa istaknutog samostalnog umjetnika, prava i obaveze istaknutih samostalnih umjetnika i druge mjere za podsticanje kulturnog i umjetničkog stvaralaštva na području Kantona Sarajevo (u daljnjem tekstu: Kanton).

Član 2.
(Samostalni umjetnik i istaknuti samostalni umjetnik)

- (1) Samostalni umjetnik u smislu ovog zakona je svaki umjetnik koji se bavi umjetnošću samostalno kao svojim jedinim zanimanjem.
- (2) Istaknuti samostalni umjetnik je umjetnik iz stava (1) ovog člana kome je status istaknutog samostalnog umjetnika priznat u skladu sa odredbama ovog Zakona.

Član 3.
(Opšti uslovi za sticanje statusa istaknutog samostalnog umjetnika)

- (1) Umjetnik u smislu ovog Zakona stiče pravo na status istaknutog samostalnog umjetnika ako ispunjava slijedeće opšte uslove:
 - a) da nije u radnom odnosu;

- b) da mu je umjetničko stvaralaštvo i djelovanje jedino profesionalno zanimanje;
 - c) da njegov umjetnički opus i umjetnički domet verifikuje matično umjetničko udruženje, a ukoliko nije član niti jednog udruženja da svoj stvaralački opus dokaže programskom knjižicom ili popisom umjetničkih djela potvrđenim od kulturne institucije, javne ustanove, festivala, galerije ili izdavačke kuće sa međunarodnim referencama;
 - d) da je državljanin Bosne i Hercegovine koji ima prebivalište i umjetnički djeluje na području Kantona.
- (2) Status istaknutog samostalnog umjetnika stiče se na osnovu uslova utvrđenih u stavu (1) ovog člana i bližih uslova za priznavanje statusa istaknutog samostalnog umjetnika utvrđenih Odlukom iz člana 13. stav (2) ovog Zakona.
- (3) Preporuku iz stava (1) tačka c) ovog člana daje strukovno udruženje registrovano na području Kantona Sarajevo za određenu umjetničku djelatnost, a ukoliko takvo udruženje nije registrovano na kantonalnom nivou, u tom slučaju preporuku daje strukovno udruženje registrovano na državnom ili federalnom nivou.

Član 4.

(Pravo na udruživanje i organizovanje samostalnih umjetnika)

Samostalni umjetnici se prema područjima umjetničkog stvaralaštva, a u cilju ostvarivanja zajedničkih interesa, mogu udruživati i organizovati u umjetnička i strukovna udruženja i društva, te druge oblike organizovanja.

Član 5.

(Područja umjetničkog stvaralaštva samostalnih umjetnika)

- (1) Područja umjetničkog stvaralaštva samostalnih umjetnika u kojim ostvaruju ovim zakonom propisana prava su: filmsko, muzičko, književno (književno i književno prevodilačko stvaralaštvo), likovno (likovno i primijenjeno likovno stvaralaštvo), izvođačko (scensko, pozorišno i baletno stvaralaštvo), te interdisciplinarno i multimedijalno umjetničko stvaralaštvo.
- (2) Bliži uslovi za priznavanja statusa istaknutog samostalnog umjetnika u područjima umjetničkog stvaralaštva iz stava (1) ovog člana uredit će se odlukom iz člana 13. stav (2) ovog Zakona.

II - PRIZNAVANJE STATUSA ISTAKNUTOG SAMOSTALNOG UMJETNIKA

Član 6.

(Imenovanje Stručne komisije)

- (1) Vlada Kantona Sarajevo (u daljnjem tekstu: Vlada) na prijedlog ministra kulture i sporta Kantona Sarajevo (u daljnjem tekstu: ministar) imenuje Stručnu komisiju (u daljnjem tekstu: Stručna komisija) kao konsultativno tijelo radi rješavanja statusa, prava i obaveza istaknutih samostalnih umjetnika.
- (2) Stručna komisija se imenuje na inicijativu umjetničkih udruženja, društava i javnih ustanova kulture sa sjedištem na području Kantona Sarajevo, a prema području umjetničkog stvaralaštva iz člana 5. ovog Zakona.
- (3) Stalni sastav Stručne komisije čini pet članova i to:

- a) jedan predstavnik Ministarstva kulture i sporta Kantona Sarajevo (u daljnjem tekstu: Ministarstvo);
- b) četiri istaknuta umjetnika, predstavnika različitih područja umjetnosti iz člana 5. ovog Zakona.

Član 7.

(Promjenjivi članovi Stručne komisije)

(1) Za svako područje samostalnog umjetničkog djelovanja iz člana 5. ovog Zakona, Vlada na prijedlog ministra, a na Inicijativu udruženja, društava iz člana 4. ovog Zakona, te javnih ustanova kulture sa sjedištem na području Kantona Sarajevo, ovisno o potrebi može imenovati po četiri promjenljiva člana Stručne komisije kada su na dnevnom redu pitanja iz područja njihovog djelovanja.

(2) Postupak i način rada Stručne komisije uređuje se bliže njenim poslovnikom o radu.

Član 8.

(Sredstva za rad Stručne komisije)

(1) Sredstva za rad Stručne komisije obezbjeđuju se u Budžetu Kantona Sarajevo (u daljnjem tekstu: Budžet Kantona).

(2) Visinu naknade za rad Stručne komisije utvrđuje Vlada na prijedlog ministra, a u skladu sa važećim propisima i raspoloživim budžetskim sredstvima.

Član 9.

(Mandat stalnih članova Stručne komisije)

(1) Mandat stalnih članova Stručne komisije traje četiri godine.

(2) Stalni članovi Stručne komisije mogu biti razriješeni i prije isteka mandata:

- a) na vlastiti zahtjev,
- b) zbog neopravdanog odsustvovanja iz rada Stručne komisije u trajanju dužem od tri mjeseca,
- c) zbog neurednog i neblagovremenog izvršavanja poslova iz nadležnosti Stručne komisije.

Član 10.

(Rješenje o imenovanju i razrješenju stalnih članova Stručne komisije)

Vlada Kantona donosi Rješenje o imenovanju i razrješenju stalnih članova Stručne komisije u skladu sa čl. 6. do 9. ovog Zakona.

Član 11.

(Zahtjev za sticanje statusa istaknutog samostalnog umjetnika)

(1) Zainteresovani umjetnik je obavezan podnijeti zahtjev Ministarstvu za sticanje statusa istaknutog samostalnog umjetnika na obrascu koji propisuje ministar.

(2) Podnosilac zahtjeva je obavezan da, uz zahtjev, priloži i slijedeću dokumentaciju:

- a) umjetničku biografiju i bibliografiju potvrđenu od strane matičnog udruženja/ društva/javne ustanove kulture ili ukoliko nije član niti jednog udruženja da svoj stvaralački opus dokaže programskom knjižicom ili popisom umjetničkih djela potvrđenim od kulturne institucije, javne ustanove, festivala, galerije ili izdavačke kuće sa međunarodnim referencama;
- b) kopiju dodijeljenih priznanja i nagrada za umjetničko stvaralaštvo;
- c) mišljenje strukovnog udruženja, društva ili javne ustanove kulture;
- d) kopiju lične karte i prijave prebivališta;

e) potvrdu nadležne službe za zapošljavanje Kantona Sarajevo da je nezaposlen ili kopiju radne knjižice.

Član 12.

(Postupak po zahtjevu za priznavanje statusa istaknutog samostalnog umjetnika)

(1) Ministarstvo, na prijedlog Stručne komisije, svojim rješenjem utvrđuje status istaknutog samostalnog umjetnika ili odbija zahtjev podnosioca.

(2) Postupak rješavanja po zahtjevu za priznavanje statusa istaknutog samostalnog umjetnika vodi se skladu sa odredbama ovog Zakona, Zakona o upravnom postupku i Odluke o bližim kriterijima za priznavanje statusa istaknutih samostalnih umjetnika.

(3) Protiv rješenja iz stava (1) ovog člana, a u roku od 15 dana od njegovog dostavljanja, dozvoljena je žalba ministru.

(4) Rješenje ministra je konačno u upravnom postupku i protiv njega se može voditi upravni spor kod nadležnog suda.

Član 13.

(Bliži uslovi za priznavanje statusa)

(1) Kandidat za priznavanje statusa istaknutog samostalnog umjetnika pored opštih uslova iz člana 3. stav (1) al. a), b), c) i d) ovog Zakona mora ispunjavati i slijedeće uslove:

a) javno umjetnički djelovati najmanje tri godine;

b) ostvariti međunarodne i domaće nagrade i priznanja za svoje umjetničko djelovanje;

c) pribaviti preporuku matičnog umjetničkog udruženja, društva ili javne ustanove ili mišljenje odgovarajućeg umjetničkog udruženja o vrijednosti njegovog umjetničkog stvaralaštva ili ukoliko nije član niti jednog udruženja da svoj stvaralački opus dokaže programskom knjižicom ili stvaralačkim djelima potvrđenim od kulturne institucije, javne ustanove, festivala, galerije ili izdavačke kuće sa međunarodnim referencama.

(2) Bliže uslove za priznavanje statusa istaknutih samostalnih umjetnika utvrđuje Vlada Kantona Odlukom o bližim kriterijima za priznavanje statusa istaknutih samostalnih umjetnika za svako pojedino područje umjetničkog stvaralaštva, a na usaglašen prijedlog postojećih udruženja/društava koji okupljaju samostalne umjetnike na području Kantona Sarajevo.

Član 14.

(Pravo na uplatu doprinosa)

(1) Pod uslovima utvrđenim ovim Zakonom, istaknuti samostalni umjetnik sa priznatim statusom ostvaruje pravo na uplatu doprinosa za penzijsko i invalidsko, te zdravstveno osiguranje u skladu sa odredbama zakona kojim se uređuje uplata doprinosa za samostalna zanimanja iz Budžeta Kantona i u granicama sredstava planiranih Budžetom Kantona za ovu namjenu.

(2) Istaknuti samostalni umjetnik za ostvarivanje prava iz stava (1) ovog člana, potrebno je da Ministarstvu podnese:

a) ovjerenu izjavu datu pod moralnom i materijalnom odgovornošću da je prijavio sve svoje prihode poreskoj upravi;

b) dokaze o kontinuiranom umjetničkom djelovanju;

c) poresko uvjerenje.

(3) Pravo na uplatu doprinosa za penzijsko invalidsko osiguranje ima istaknuti samostalni umjetnik koji je u prethodnoj kalendarskoj godini ostvario prihod manji od dvostrukog godišnjeg prosjeka neto plaće ostvarene u Kantonu Sarajevo.

Član 15.
(Pravo na uplatu doprinosa)

(1) Pravo na uplatu doprinosa za penzijsko-invalidsko osiguranje i zdravstveno osiguranje iz Budžeta Kantona za tekuću godinu ima istaknuti samostalni umjetnik koji kontinuirano djeluje, te podnese dokumentovan izvještaj u skladu sa odredbama člana 11. stav (2) o svom umjetničkom djelovanju u prethodnoj kalendarskoj godini najkasnije do 31. decembra prethodne godine.

(2) Istaknuti samostalni umjetnik može uplaćivati doprinos za svoje dobrovoljno penzijsko invalidsko osiguranje u skladu sa odredbama zakona i drugih propisa kojim se uređuje penzijsko-invalidsko osiguranje, ukoliko nisu ispunjeni uslovi da mu se doprinosi uplaćuju iz Budžeta.

Član 16.
(Odluka o uslovima i postupku priznavanja statusa)

Odluku o uslovima i postupku priznavanja prava istaknutih samostalnih umjetnika na uplatu doprinosa iz Budžeta Kantona Sarajevo (u daljnjem tekstu: Odluka) donosi Vlada, na prijedlog Ministarstva, a na inicijativu postojećih umjetničkih udruženja registrovanih na području Kantona koja udružuju samostalne umjetnike.

III - DRUGA PRAVA I OBAVEZE SAMOSTALNIH
UMJETNIKA

Član 17.
(Obavljanje djelatnosti samostalno i u saradnji)

Samostalni umjetnik ima pravo da svoju umjetničku djelatnost obavlja samostalno ili u saradnji sa fizičkim i pravnim licima koja iskažu interes za njihov umjetnički rad, a naročito: umjetničkim udruženjima/društvima, izdavačkim kućama, njihovim menadžmentima, agentima, filmskim producentima i distributerima, pozorištima, umjetničkim galerijama i drugim umjetničkim i kulturnim institucijama.

Član 18.
(Zaključivanje ugovora)

Samostalni umjetnik ima pravo i obavezu da sa pravnim i fizičkim licima iz člana 17. ovog Zakona zaključuje autorske, sponzorske, donatorske, kupoprodajne i druge poslovne ugovore u zemlji i inostranstvu shodno važećim zakonima i drugim propisima.

Član 19.
(Izvoz i iznošenje umjetničkih djela u inostranstvo)

Samostalni umjetnik ima pravo izvoziti i iznositi u inostranstvo, priređivati samostalne i grupne izložbe, prodavati u inostranstvu, te javnosti prezentovati u svim oblicima stvaralaštva sopstveno umjetničko djelo shodno ovom Zakonu, kao i zakonima i drugim propisima kojim se uređuju vanjsko-trgovinski odnosi i autorska prava.

Član 20.
(Otvaranje žiro i deviznog računa i poslovanje)

(1) Samostalni umjetnik ima pravo i obavezu da za potrebe svog umjetničkog djelovanja otvori žiro i devizni račun shodno važećim propisima u oblasti bankarskih usluga.

(2) Pri kupovini sredstava za rad u zemlji i inostranstvu, kao i istraživačkih projekata u zemlji i inostranstvu, ulaganje sopstvenih sredstava u umjetničke projekte priznaje se kao trošak i ne ulazi u netto prihod.

Član 21.

(Štambilj istaknutog samostalnog umjetnika)

Istaknuti samostalni umjetnik ima pravo na pravougaoni štambilj standardnih dimenzija na kojem je utisnuto: "KANTON SARAJEVO - ISTAKNUTI SAMOSTALNI UMJETNIK", te ime i prezime i umjetnička oblast, na jednom od jezika i pisama koji su u službenoj upotrebi u Bosni i Hercegovini i na jednom od stranih pisama, koji odabere istaknuti samostalni umjetnik, a koji koristi pod punom moralnom, materijalnom i krivičnom odgovornošću.

Član 22.

(Naknada plaće za slučaj bolesti i privremene nesposobnosti za rad)

(1) U slučaju privremene spriječenosti za rad zbog bolesti u dužem trajanju od 42 radna dana, istaknuti samostalni umjetnik ima pravo na novčanu naknadu iz sredstava Zavoda za zdravstvenu zaštitu Kantona Sarajevo u skladu sa odredbama zakona kojim se uređuje zdravstveno osiguranje i ovog Zakona.

(2) U slučaju privremene spriječenosti za rad zbog porodijskog odsustva, istaknutom samostalnom umjetniku pripadaju prava na naknade iz sredstava Zavoda za zdravstvenu zaštitu Kantona Sarajevo po osnovu uplate doprinosa za zdravstveno osiguranje, po postupku, na način i u rokovima priznatim posebnim propisima iz oblasti zdravstvenog osiguranja.

Član 23.

(Pravo na penziju i otpremninu)

(1) Istaknuti samostalni umjetnik ima pravo na penziju u skladu sa Zakonom i drugim propisima kojim se uređuje penzijsko invalidsko osiguranje.

(2) U slučaju kada istaknuti samostalni umjetnik ispunji uslove za odlazak u penziju, u tom slučaju, pripada mu pravo na isplatu otpremnine u visini tri prosječne netto plaće ostvarene u prethodnom mjesecu u Kantonu Sarajevo.

(3) Sredstva iz stava (2) ovog člana isplaćuju se iz Budžeta Kantona.

IV - PRESTANAK PRAVA I MIROVANJE PRAVA ISTAKNUTIH SAMOSTALNIH UMJETNIKA

Član 24.

(Prestanak prava na uplatu doprinosa)

(1) Prestanak prava istaknutom samostalnom umjetniku na uplatu doprinosa nastupa:

a) na vlastiti zahtjev, na određeni rok ili trajno;

b) ako zasnjuje radni odnos;

c) ako boravi u inostranstvu u trajanju dužem od šest mjeseci u kontinuitetu;

d) ako ispunjava uslove za penziju;

e) ako u toku prethodne kalendarske godine nije umjetnički djelovao;

- f) ako započne redovan studij;
 - g) ako ode na studijsko putovanje ili usavršavanje u inostranstvo u trajanju dužem od 24 mjeseca;
 - h) ako se u postupku revizije utvrdi da ne ispunjava uslove u skladu sa kriterijima iz ovog zakona;
 - i) ako bude pravosnažnom odlukom nadležnog suda upućen da izdržava kaznu zatvora u trajanju dužem od šest mjeseci.
- (2) U slučaju dugotrajne bolesti istaknutom samostalnom umjetniku ne prestaje status istaknutog samostalnog umjetnika do konačnog izliječenja ili penzionisanja.
- (3) Boravkom u inostranstvu, u trajanju dužem od šest mjeseci u kontinuitetu, smatra se boravak za koji je istaknuti samostalni umjetnik dobio dozvolu za produženje privremenog boravka ili za trajno nastanjenje, što se dokazuje potvrdom od strane odgovarajućeg predstavništva Bosne i Hercegovine u državi u kojoj boravi.
- (4) Istaknuti samostalni umjetnik koji je boravio u inostranstvu duže od šest mjeseci ili na studijskom putovanju ili usavršavanju dužan je dostaviti objavu boravka iz zemlje u kojoj je boravio.

Član 25.

(Mirovanje prava na uplatu doprinosa za istaknutog samostalnog umjetnika)

Mirovanje prava na uplatu doprinosa za istaknutog samostalnih umjetnika nastupa:

- a) ako je izabran za funkcionera i imenovan od strane skupštine, odnosno drugih državnih, entitetskih, kantonalnih, gradskih ili općinskih organa ili tijela – do prestanka mandata;
- b) ako zasnjuje radni odnos u trajanju od najduže jedne godine, do prestanka radnog odnosa, odnosno do isteka jedne godine;
- c) ako izdržava kaznu zatvora do šest mjeseci.

Član 26.

(Obnavljanje prava na uplatu doprinosa)

- (1) Istaknuti samostalni umjetnik kojem je pravo na uplatu doprinosa mirovalo, za obnavljanje prava na uplatu doprinosa treba podnijeti zahtjev Ministarstvu u roku od 15 dana od dana kada su prestali razlozi za mirovanje.
- (2) Ako istaknuti samostalni umjetnik ne podnese zahtjev u roku iz stava (1) ovog člana, ministar donosi rješenje o prestanku prava na uplatu doprinosa.

V - MJERE ZA PROVOĐENJE ZAKONA

Član 27.

(Prestanak statusa istaknutog samostalnog umjetnika)

- (1) Istaknutom samostalnom umjetniku prestaje status kojim se priznaje pravo na uplatu doprinosa i druga prava priznata ovim Zakonom, ako nepotpuno ili netačno prikaže svoju materijalnu situaciju iz čl. 14. i 15. stav (1) ovog Zakona.
- (2) Istaknuti samostalni umjetnici učestvovaće dva puta u toku kalendarske godine bez naknade, od čega jednom za vrijeme praznika (31/1. i 1/2. Januar – Nova godina, 1. Mart – Dan nezavisnosti BiH, 1. i 2. maj – Praznik rada, 9. maj – Dan pobjede nad fašizmom, 25. novembar – Dan državnosti BiH), a uz prethodni poziv dostavljen najmanje 30 dana ranije od strane organizatora kulturne manifestacije od javnog interesa („Dani Kantona“, „Bašćaršijske večeri“, „Sarajevska zima“, „Izbor sportiste Kantona Sarajevo“), da daju svoj umjetnički

doprinos u smislu učešća u održavanju književnih manifestacija, izložbi, koncerata, modnih revija i drugih umjetničkih aktivnosti.

(3) Ukoliko istaknuti samostalni umjetnik izričito i neopravdano odbije poziv da potpiše ugovor sa organizatorom kulturne manifestacije iz stava (2) ovog člana, ili nakon potpisivanja ugovora ne ispuni svoje obaveze, prestaje mu status istaknutog samostalnog umjetnika.

Član 28.

(Prestanak prava na uplatu doprinosa)

(1) Rješenje o prestanku prava na uplatu doprinosa u slučajevima iz člana 24. stav (1), čl. 25., 26., 27. i 29. ovog Zakona donosi ministar.

(2) Protiv rješenja iz stava (1) ovog člana, a u roku od 15 dana od njegovog dostavljanja, dozvoljena je žalba ministru.

(3) Rješenje ministra je konačno u upravnom postupku i protiv njega se može voditi upravni spor kod nadležnog suda.

Član 29.

(Revizija priznatih prava istaknutih samostalnih umjetnika)

(1) Stručna komisija će svake godine po službenoj dužnosti izvršiti reviziju priznatih prava istaknutih samostalnih umjetnika na uplatu doprinosa iz Budžeta Kantona, a na osnovu relevantne dokumentacije koju je istaknuti samostalni umjetnik dužan priložiti u skladu sa odredbama ovog Zakona.

(2) Ako istaknuti samostalni umjetnik u ostavljenom roku ne dostavi dokumentaciju iz stava (1) ovog člana prestaje mu status priznat ovim Zakonom.

Član 30.

(Dobrovoljno osiguranje)

Samostalni umjetnik koji po odredbama ovog Zakona ne ostvaruje pravo na uplatu doprinosa iz Budžeta Kantona, ima pravo lično uplaćivati te doprinose.

Član 31.

(Registar istaknutih samostalnih umjetnika)

(1) Ministarstvo vodi registar istaknutih samostalnih umjetnika.

(2) Sadržaj i način vođenja registra iz stava (1) ovog člana propisuje Vlada, Odlukom iz člana 32. tačka b) ovog Zakona.

VI - PRIJELAZNE I ZAVRŠNE ODREDBE

Član 32.

(Obaveza donošenja Odluka)

Obavezuje se Vlada, da u roku od tri mjeseca od dana stupanja na snagu ovog Zakona, donese:

a) Odluku o uslovima i postupku priznavanja prava istaknutih samostalnih umjetnika na uplatu doprinosa iz Budžeta Kantona Sarajevo;

b) Odluku o sadržaju i vođenju registra istaknutih samostalnih umjetnika;

c) Odluku o bližim kriterijima za priznavanje statusa istaknutih samostalnih umjetnika.

Član 33.
(Obaveza ažuriranja Registra)

Ministarstvo će ažurirati Registar istaknutih samostalnih umjetnika u roku od 60 dana od dana donošenja odluke iz člana 32. tačka b) ovog Zakona.

Član 34.
(Zadržavanje stečenih prava)

- (1) Samostalni umjetnici kojima je do dana stupanja na snagu ovog Zakona priznato pravo na uplatu doprinosa, zadržavaju to pravo do okončanja postupka prve redovne godišnje revizije.
- (2) O daljnjem ostvarivanju toga prava odlučit će se prema odredbama ovog Zakona.
- (3) Nakon navršenih 60 godina života, status istaknutog samostalnog umjetnika ne može biti predmet revizije.

Član 35.
(Ostvarivanje prava nakon okončanja revizije)

Istaknuti samostalni umjetnici iz člana 34. stav (1) ovog Zakona, a koji ispunjavaju uslove po ovom Zakonu, nastavljaju ostvarivati prava iz ovog Zakona od dana izvršene prve godišnje revizije.

Član 36.
(Prestanak primjene prethodnog Zakona)

Danom stupanja na snagu ovog Zakona, na području Kantona Sarajevo prestaje primjena Zakona o samostalnim umjetnicima ("Službene novine Kantona Sarajevo", broj 20/01).

Član 37.
(Ravnopravnost spolova)

- (1) Gramatička terminologija korišćenja ženskog i muškog roda podrazumijeva uključivanje oba roda.
- (2) Kod imenovanja organa udruženja obezbijedit će se proporcionalna zastupljenost konstitutivnih naroda i ostalih, kao i ravnopravna zastupljenost spolova.

Član 38.
(Stupanje na snagu ovog Zakona)

Zakon o istaknutim samostalnim umjetnicima stupio je na snagu osmog dana od dana objavljivanja u "Službenim novinama Kantona Sarajevo". broj 19/11.

Zakon o dopunama Zakona o istaknutim samostalnim umjetnicima stupio je na snagu osmog dana od dana objavljivanja u "Službenim novinama Kantona Sarajevo", broj 21/15.

UREDBA
O POSTUPKU I NAČINU PRIPREMANJA, IZRADA I DOSTAVLJANJA PROPISA
(„Službene novine Kantona Sarajevo“, broj 21/11-Novi prečišćeni tekst i broj 30/11-Ispravka i broj 23/15)

Član 1.

Ovom Uredbom propisuje se postupak i način pripremanja, izrade i dostavljanja propisa koje donosi Skupština Kantona Sarajevo (u daljnjem tekstu: Skupština), Vlada Kantona Sarajevo (u daljnjem tekstu: Vlada), kantonalni ministar/ministrica ili direktor/direktorica kantonalne uprave, a koje razmatra, utvrđuje ili donosi Vlada, odnosno kantonalni ministar/ministrica ili direktor/direktorica kantonalne uprave.

Odredbe ove Uredbe odnose se i na pravilnik o unutrašnjoj organizaciji kantonalnog ministarstva, kantonalne uprave, kantonalne upravne ustanove i stručne službe Vlade (u daljnjem tekstu: kantonalni organi).

Član 2.

Propise odnosno pravilnike iz prethodnog člana pripremaju kantonalna ministarstva i drugi kantonalni organi, svaki iz svoje nadležnosti (u daljnjem tekstu: nosilac izrade).

Član 3.

Nacrt odnosno prijedlog propisa (u daljnjem tekstu: propis) nosilac izrade dostavlja sekretaru Vlade u obliku utvrđenom Poslovníkom Vlade, te sa naznakom da li se radi o nacrtu ili prijedlogu propisa.

Obrazloženje propisa treba da sadrži:

- ustavni, odnosno zakonski osnov za donošenje propisa,
- razloge zbog kojih treba donijeti propis i načela na kojima treba da se urede odnosi u odgovarajućoj oblasti,
- usklađenost sa legislativom Evropske unije,
- objašnjenja pravnih rješenja sadržanih u propisu,
- mišljenja kantonalnih organa i organizacija, nevladinog sektora i drugih učesnika u raspravi o prednacrtu i nacrtu propisa, koji su konsultovani u toku izrade propisa, sa posebnim osvrtom na mišljenja koja nisu usvojena i razlozima zbog kojih nisu usvojena,
- finansijska i druga sredstva potrebna za provođenje propisa i način njihovog obezbjeđenja (izvori sredstava),
- priložene odredbe propisa koji se mijenjaju ili dopunjuju i odredbe propisa koji su pomenuti u preambuli i tekstu propisa i obrazloženju propisa.

Nosioci izrade dužni su nacрте propisa i drugih akata, koji se odnose na oblast ekonomske, socijalne i razvojne politike i ekonomskih i socijalnih prava i interesa zaposlenika i poslodavaca, dostaviti Ekonomsko-socijalnom vijeću za područje Kantona Sarajevo i u obrazloženju navesti da li su dobili mišljenje, odnosno prihvatili ili nisu prihvatili mišljenje i razloge zbog kojih mišljenje nije prihvaćeno.

Ukoliko su za sprovođenje propisa potrebna finansijska i druga sredstva ili se regulišu imovinsko-pravna pitanja, nosilac izrade dužan je prethodno pribaviti mišljenje Ministarstva finansija i Pravobranilaštva Kantona.

Nosilac izrade propisa obavezan je da se, pri izradi propisa, pridržava odredbi Pravila i postupaka za izradu zakona i drugih propisa Federacije Bosne i Hercegovine („Službene novine Federacije Bosne i Hercegovine“, broj 71/14), koje nisu u suprotnosti sa odredbama ove uredbe.¹

¹ Izmjena 23/15.-, „Sl. novine Kantona Sarajevo“

Članak 50.

(Pozivanje na temeljni propis)

Propis o izmjenama i dopunama treba u prvom članku sadržati pozivanje na temeljni propis i oznaku prvog članka koji se mijenja ili dopunjuje, a ostali članci prate redosljed teksta.

Članak 51.

(Formulacija izmjena propisa)

- (1) Izmjenu propisa moguće je riješiti formulacijama:
 - a) ako se mijenja čitav članak,

"U propisu (naziv) članak x. mijenja se i glasi:
'Članak x.
a,b,c'"
 - b) ako se mijenja jedan dio, kao što je stavak,

"U članku x. stavak (1) mijenja se i glasi:
'(1) a,b,c'"
 - c) ako se mijenja jedna ili više riječi unutar jednog članka,

"U članku x. stavku (1) riječi 'a,b,c' zamjenjuju se riječima: 'd,e,f'."
 - d) ako se u više članaka mijenjaju iste riječi, sve izmjene se mogu obuhvatiti formulacijom:

"U članku xxx. riječi: "....." zamjenjuju se riječima: "....."."
- (2) Ako se briše neka odredba ili dio odredbe, izmjenju je moguće riješiti formulacijom:

"U članku x. u stavku (1) riječi: 'a,b,c' brišu se."
- (3) Istim formulacijama brišu se druge vrste odredbi višeg oblika organiziranosti (rečenica, alineja, točaka), s tim što se umjesto izraza "riječi" uporabi termin za sadržaj koji se izostavlja.

Članak 52.

(Formulacija dopuna dijela propisa)

Ako se dopunjuje odredba u propisu dodavanjem dijela propisa, kao npr. poglavlja, dopunjeni dio označava se istim brojem kao i prethodni dio iste vrste popraćen progresivnim slovom. Formulacija dopune glasi:

"Iza Poglavlja 12. dodaje se novo Poglavlje 12a. i čl. xa., xb., xc. koji glase:".

Članak 53.

(Formulacija dopune članaka)

Ako se dopuna propisa vrši dodavanjem članka ili članaka, novi članak označava se istim brojem kao i prethodni, popraćen progresivnim slovom. Formulacija dopune glasi:

"U propisu (naziv) iza članka x. dodaje se novi članak koji glasi:

'Članak xa.
a,b,c'"

Članak 54.

(Formulacija dopune dijela članaka)

- (1) Ako se dopuna propisa vrši dodavanjem, kao primjerice stavka ili stavaka, formulacija je sljedeća:

"U članku x. iza stavka (2) dodaje se novi stavak

(3) koji glasi:

"(3) a,b,c."

- (2) U slučaju iz stavka (1) ovoga članka, konsekvencija dopune može biti dvojaka:

- a) ako se članak x. sastoji od dva stavka, onda je predložena formulacija konačna, novi se stavak jednostavno dodaje uz progresivni broj,
- b) ako se članak x. sastoji od tri ili više stavaka, tada se odredba nastavlja još jednim stavkom koji glasi:

"Dosadašnji stavak (3) postaje stavak (4)."

Odjeljak B. Pročišćeni tekst i ispravak propisa

Članak 55.

(Izrada pročišćenog teksta)

- (1) Izradi pročišćenog teksta propisa pristupa se kada izmjene i dopune obuhvaćaju više od 40% temeljnog teksta propisa ili kada je temeljni tekst mijenjan ili dopunjavan najmanje tri puta, pri čemu je otežano praćenje teksta i sadržaja propisa.
- (2) Pročišćeni tekst propisa ne upućuje se u redovitu proceduru donošenja propisa, već se upućuje na daljnji postupak sukladno poslovnicima o radu domova Parlamenta Federacije Bosne i Hercegovine (u daljnjem tekstu: Parlament Federacije), odnosno Poslovnika o radu Vlade Federacije Bosne i Hercegovine (u daljnjem tekstu: Vlada Federacije).

Članak 56.

(Priprema i verificiranje pročišćenog teksta)

- (1) Pročišćeni tekst zakona priprema se na način i po postupku utvrđenom poslovnicima o radu domova Parlamenta Federacije.
- (2) Nakon što se završi postupak pripreme pročišćenog teksta zakona na način i po postupku utvrđenom poslovnicima o radu domova Parlamenta Federacije, pročišćeni tekst zakona dostavlja se domovima Parlamenta Federacije radi verificiranja.
- (3) Pročišćeni tekst propisa Vlade Federacije priprema obrađivač propisa, a utvrđuje ga Ured Vlade Federacije Bosne i Hercegovine za zakonodavstvo i usklađenost s propisima Europske unije (u daljnjem tekstu: Ured za zakonodavstvo i propise Europske unije), sukladno Poslovniku o radu Vlade Federacije.
- (4) Nakon što Ured za zakonodavstvo i propise Europske unije utvrdi pročišćeni tekst propisa Vlade Federacije, taj tekst dostavlja Vladi Federacije radi verificiranja.
- (5) Rukovoditelj federalnog tijela uprave utvrđuje pročišćeni tekst podzakonskog propisa i općeg akta koji je, sukladno zakonu, on donio i dostavlja ga Uredu za zakonodavstvo i propise Europske unije na mišljenje.
- (6) Rukovoditelj federalnog tijela uprave, kada pročišćeni tekst podzakonskog propisa, iz stavka 3. ovoga članka uskladi s mišljenjem Ureda za zakonodavstvo i propise Europske unije, dužan je taj propis dostaviti tajniku Vlade Federacije radi objave u "Službenim novinama Federacije BiH".

Članak 57.

(Ovlast za izradu pročišćenog teksta)

Ovlast za izradu pročišćenog teksta propisa mora biti izričito utvrđena u propisu o izmjenama i dopunama, kojim se određuje i rok u kojem se mora pripremiti pročišćeni tekst propisa.

Članak 58.

(Sadržaj pročišćenog teksta)

- (1) Pročišćeni tekst propisa sadrži temeljni tekst u koji su ugrađene sve izmjene i dopune koje su usvojene i objavljene.
- (2) Pročišćeni tekst sadrži uvod, koji sadrži i broj "Službenih novina Federacije BiH" u kojem je objavljen propis o izmjenama i dopunama u kojem je utvrđena ovlast za njegovu izradu, naziv tijela mjerodavnog za izradu pročišćenog teksta i nadnevak kada je utvrđen pročišćeni tekst.
- (3) Iza naziva propisa, u narednom retku, između crtica, ispisuje se naslov: "Pročišćeni tekst".